

"ARUBAANSE COURANT"
diariamente cu excepccion di
diadomingo
subscription f. 3.25 pa luna
edicion los 20 ct.
edita pa:
N.V. Arubaanse Drukkerij en
Uitgevers- en Publiciteits Mij.
Nassaustraat 85 O'stad Aruba N.A.
Imprenta na:
N.V. Drukkerij "De Stad"
Theaterstraat 11, Willemstad Curacao
Telefoon 1116 Directiva y redaccion.
2116 Anuncio y subscripcion.
Directeur hoofdredacteur: D. Wolff.

ARUBAANSE COURANT



Aruba



Diario pa



SWIFT
POTHAM
CORNED BEEF
gusta pa grandi y chikito den tur
cas, pa su calidad y su bon smaak.
Agente: **Wimco**

Anjo 25 DIAHUEBS 17 DI OCTOBER 1963 No. 4769

Lucha intensivo na frontera entre Algeria y Marokko 200.000 Militar Arge- lino bao di arma

MARRAKESJ, 17 oct. — E minister di Informacion no Marokko a participa, cu un avion di ehercito Argelino aye-
ra mainta a bombardea dos distrito fronterizo na Marokko,
pega cu e guarnicion Boudenib. Aindo no a drenta naticia-
nan tocante eventual victimanan y danjo. Segun circulo-
nan oficial no Marokko e postnan Hassi Beida y Tinjoub
te aindo ta bou di dominio di militarnan di Marokko.

E director di e gabinete real na Mar-
akesj a declara ayera tardi, cu e for-
sanan militar Argelino aye-
ra hazi un ataque riba Hassi Beida y
Tinjoub y cu te aye-
ra merdia aindanan
tabata bringando. Ademas el a de-
clara, cu Marokko no ta considera su
mes den guerra cu Argelia. Radio Ar-
gel a anuncia, cu aye-
ra mainta diferen-
te gruponan di personal medico y di
enfermeros a sali pa Colomb Bechar.
Radio Argel a dirigi un peticion na
diferente departamentu pa manda am-
bulancenan mas pronto posibel na Co-
lomb Bechar. Den un otro comunicado
a worde participa, cu tur medico y es-
tudiantenan den medicina mester con-
sidera nan mes como mobilisa.
Na Colomb Bechar a worde participa,
cu autoridanan Argelino a huir un
avion di e compania Argelino di avia-
cion pa transport di trupanen. E fun-
cionario di gobierno Argelino a bisa,
cu e bringamentunan ta sigui cu hopi
solda di Marokko sea a worde mata of
ta presu. E perdicionan di Argelia ta
te awor aqui un morto, asina e porta-
voz mensiona ariba a bisa.

ko y despues a regresa Argelia, a bolhe
yega Marrakesj como representante di
president Ben Bella.
Na un conferencia di prensa nan a
participa, cu nan a bai Marokko pa
stipula e condicionnan di paz. Nan a
haya e instruccionnan necesario y au-
torisacion pa sigui cu e deliberacionnan
cu a worde suspende.
Di fuente gubernamental di Argelia
a worde participa, cu e bringamen-
tunan entre e Argelino y Marokkinan
d e territorio fronterizo di Sahara
ta sigui. Parce cu hopi militar di Ma-
rokkko a cai den e lucha y hopi a wor-
de cohe presu. Mientras cu e Argelino-
nan te awor aqui ta conta cu sola-
mente un morto.

Comentario Frances
Un portavoz di e ministerio Frances
di Exterior a bisa, cu gobierno Frances
ta deplora e incidentenan fronterizo en-
tre Argelia y Marokko. Un di e mo-
tivanan pa e bringamentunan tabata se-
gun e, cu e frontera entre Marokko y
Argelia na aña 1945 solamente parcial-
mente a worde stipula den un conven-
cion. Un territorio situa mas den sur
no a worde considera pasobra no ta-
batin ningun hende ta bini eynan.
Circulonan bon informa na Argel ta
di opinion, cu e grupo di mobilisacion
di Ben Bella en total lo por forma
200.000 solda, esia 80.000 di ehercito
y 120.000 di guerillernan di e eherci-
to nacional di liberacion, cu a lucha
contra e Francesnan.
Segun e agencia Argelino di prensa
ya tin voluntario a bai inscribi na Con-
stantine.
President Bourguiba na roga rey Has-
san y president Ben Bella pa no usa
arma y manda nan ministernan di Ex-
terior Tunis pa delibera tocante e asun-
tu.

Palabranan di F. L. Maduro contradici:
**Lago ta paga biuda
Caster mas cu Fl. 20.000**

SAN NICOLAS, 17 oct. — Ultimamente sr. Frans
Lodewijk Maduro, presiden-
te di I.O.W.U.A. kende a
warde eligi dia 26 di agosto
a declara durante di un in-
tervista, cu Lago ta haci
masa poca pa e y desendien-
tenan di e personanan cu a
bira victima di occidentenan
di trabou. E biuda di sr.
Tarcisio Carter segun el a
declaro, no a hanja ningun
pago di Lago, mientras cu
e biuda di Aldwin C. Dick-
son asina leuw cu senyor Ma-
duro tabata sabi, tampoco
no a hanja ningun yudanza.
Di fuente bon informo nos
a ricibi e declaracion cu biu-
da Caster lo ricibi mas cu
20.000 florin for di Lago,
mientras biuda Dickson la
hanja en total mas cu
16.000 florin.
Segun un interview publica den e
corant aki, cual nos tabatin cu sen-
yor Maduro, el a declara: "Nos ta le-
sa den corant: 'Lago ta yuda senjora
Jacks y Lago ta duna tres barak. Tur
esey ta show afor, pero e debenan
moral pa su propio hendenan, e com-
pania no ta cumpli cu ne. 'E biuda
di Caster, kende su esposo a fallece
pa motibu di un accidente na Lago,
y awor ta bira den un cas ehikito
cu nubes yiu pa eria, a hanja e pre-
mie di Bob Steele Insurance, pero
nada di 'Lago'. 'Y asina leuw cu mi
sabi Lago no a haci nada tampoco
pa e desendientenan di senjor Dick-
son' segun e declaracion di senjor
Maduro.
E chauffeur Caster a muri ari-
ha dia 10 di october 1962 a con-
secuencia di un accidente di trabou.
E informacionnan cu nos a
ricibi for di bon fuente y cual-
nan a worde confirma pa Lago,
ta bisa cu senjora Caster ta hantia
un tal 'survivor benefits' di com-
pania cu ta f. 5.142.24, leke ta e
salario di su fallecido esposo y cu
ta worde paga den 24 luna igual.
Tambe e ta hanja 'industrial ac-
cident liability payment' di Lago.
f100 pa luna di dia 11 october
1962 te 20 april 1973, sigui pa
f81.25 pa luna for di 20 april
1973 pa 1 juni 1976 y despues
f62.50 pa luna te ora e mes muri
of holbe casa. Apart di e paga-
mento aki di Lago, cual conta
hunto ta pasa e suma di f20-
000.— senjora Caster a hanja for
di Bob Steele Insurance f5.500.—
un solo biaha.
Loko ta trata di e electricista
Dickson, kende ariha dia 14 di
november 1962 a muri ora cu e
kier a purba salba un amigo di
trabou ora cu e ultimo a bin den
conexcion cu red di alto voltiage.
su esposa biuda ta hanja 'survi-
vor benefits' f7.249.28 den 12
part y — ariha su mes peticion
— sigui ariha esaki. f9.360.— di
un solo biaha di 'industrial ac-

Deliberacion
Mohammed Yazid y maior Smane,
quendenan for di diamars a cuminsa de-
liberacionnan cu rey Hassan di Marok-
ko.
Tres homber cu ta worde considera como
sucesor di MacMillan prome minister
Ingles, D.r.p.d. Richard Austen Butler,
prome secretario di estado y minister
plenipotenciario pa Asuntunan Africa-
no; Reginald Maudling, minister di Fi-
nanzas; Viscount Halifax, lord presi-
dent di conseho ministerial y minister di
ciencia.



**Manera tabatin un guerra completo
asina e bista di Piazza Venezia den
e capital italiano, Roma tabata poco
dia pasa. Tur caminda tabatin explosion-
nan di bonnan lacrimogeno, mientras
cu jeepnan di polis tabata patrulla. E
plaza grandi a bira un campo di batalla
or cu polis di Roma a actua cu forza
contra trahadornan di construccion Ita-
liano na welga cu tabata tene un de-
monstracion grandi riba e plaza.**

**dent liability payment". E com-
pania di seguro di senjor Steele a
paga f7.500.—
I.O.W.U.A. A ANULA
CASO CONTRA LAGO**

Independent Oil Workers Union of
Aruba, I.O.W.U.A. te aye-
ra ora cu e keho contra di Lago a worde treci di-
lanti huez den promer instancia, den
cual huez a worde pidi pa sentencia
Lago pa pagamento di millones, a
anula e keho.

**FATUM — Tel: 1845
pa tur bo asegurnan**

**HUMA UN CIGARIA
VERDADERO
HUMA UN
CAMEL**



FAVORITO DI ARUBA

**DOS A GRADUA PA
LANDMACHINIST**

ORANJESTAD, 17 oct. — Ariha
dia 7, 8 y 9 di october a tuma lugar
na A.T.S. examen pa 'Landmachinist
Stoombedrijf', Verklaring A y B.
E resultadonan tabata lo siguiente:
Reexamina pa Verklaring A: Gra-
dua; Mario Lopez.
Reexamina pa Verklaring B: Gra-
dua; Gilheri S. S. Toppenberg.

Examen completo Verklaring A: Di
e 7 candidatonan dos a hanja e opor-
tunidad pa worde reexamina, e o-
tronan no a pasa.

P.A.A. Y T.W.A. TA BAN- DONA INTENTO PA UN FUSION

NEW YORK, 17 oct. — E com-
pania Mericano 'Pan American
World Airways' y e compania 'Trans
World Airlines' a participa den un
comunicado comun cu por lo pronto
nan a bandona nan plannan pa forma
un fusion.

E schema na e vergunning neces-
ario, entre cual esun di gobierno fe-
deral, no a progresa di tal forma cu
realizacion di e fusion por worde
spera dentro di un tempo hustu, asi-
na e participacion ta bisa.

POSIBLE CONFERENCIA DI CUATER POTENCIA

TOKIO, 17 october. — Segun e
premier Hapones, Ishihashi, e prome
minister di China comunista, Tsjo-
En-Lai ta desea un conferencia di
Merca, Union Sovietica, China Co-
munista y Hapon.

Ishihashi a declara esaki na Tokio
unda e la regresa di un estadia di 14
dia na Peking. El a papia na inaugu-
racion di un exhibicion comercial
cu e president di e partido comunista
Chines, Mao Tse Toeng y premier
Tsjo-En-Lai.

E BISHITA REAL NA THAILANDIA

BANGKOK, 17 oct. — E carre-
denan di boto, cu a worde organiza
especialmente pa e huespednan Real
door di e minister di interior di Thai-
landia y marina Real di Thailandia
a dura un ora y mei. E altu com-
pania Hulandes y e pareha Real di
Thailandia a presencia e espectáculo
for di e steiger Real djies tras di e
Palacio Real. Na final di e puta-
mentunan e participanten na e
competencia, a reuni, bisti cu nan
trahenan tradicional di e diferente
provincianan, dilanti di e tribuna
Real y Reina Juliana a entrega e
entrega e prijsnan bao di un tremen-
do aplauso.

NACIONALISACION DI 'HACIENDANAN NA CUBA

HAVANA, 17 oct. — Gobierno
Cubano a dicidi pa nacionaliza ha-
ciendanan particular di mas di 64
hectareas pa pone un fin ne especu-
lacionnan anti social y contra e revo-
lucionario cu produccionnan agraria y
limitacionnan di produccion. Nan ta
paga danjo solamente na esnan cu
ta cultiva nan cunucu sin di haci u-
so di obreronan kende nan ta paga-

Hunta na Santo Do- mingo ta acusa Merca Discursonan di Juan Bosch na radio

SANTO DOMINGO, 17 oct. — Li-
dernan di e sels partidonan minoritaria
na Republica Dominicana quendenan ta
apoya e triunvirato cu ta goberna e
pals actualmente, a declara ayera no-
chi cu Merca lo ta responsable pa cual-
quier acto di subversion o disturbio di
caracter publico, cu por sosode na San-
to Domingo.

Ex presidente Juan Bosch cu a ser
derrota recientemente a ser acusa di
ta tratando di promove desorden me-
diante discursonan radial for di Puer-
to Rico, cu ta un isla norteamericano.

E lidernan minoritaria ta acusa e
encargado di negocio Mericano Spen-
cer King di a trata di convene e junta
di gobierno di instala Juan Casanovas
como presidente na lugar di Lago e
triunvirato goberna.

Embahada Mericano a rechaza e ac-
sacion aki, bisando cu King meramen-
te a punta e miembro di junta Ma-
nuel Tavares Espallat tocante su opi-
nion enuanto e reclamacion di Casano-
vas pa e puesto di presidente, splica-
do cu Casanovas a manda un telegram
pa Washington pidiendo reconocimien-
to pa su persona como presidente di e pais.

Un sesion secreto di congreso Domi-
nicano, cu a ser disolve despues cu
Bosch a ser tumbá, a proclama Casano-
vas como presidente siman pasa, pe-
ro e junta no a haci caso di e procla-

SOLDA MERICANO A HUI PA ALEMANIA OOST

BERLIN, 17 oct. — Un otro sol-
da Mericano — E di cineu — den
dos siman, a hui awe na Alemania
Oost y a pidi asilo politico. Asina e
agencia di prensa na Alemania Oost:
ADN a participa awe. E agencia di
prensa a identifica e solda como un
oficial fuera di servicio, yama Frank
Barton.

DECLARACION DI MR. STIKKER

WASHINGTON, 17 oct. — Mr.
Dirk Stikker, secretario general di
NAVO, a expresa su confianza cu
lo logra progreso riba caminda pa
un forza multilateral nuclear di
NAVO den e proximo lunanan, has-
ta si Inglaterra dicidi pa no participa.

Mr. Stikker, kende a conferencia
un ora largu cu president Kennedy
na Casa Blanca, a bisa despues cu e
no ta mira speranza den e acuerdo
di general De Gaulle pa laga for-
ma un forza nuclear Frances participa den
NAVO.

COMPETITIE A.V.B.
Awenochi pa 7.30 den WILHELMINA STADION
DEPORTIVO vs. SPORT BOYS
(A-Klasse)
Entrada general f. 0,50 — Mucha mitar prijs.

THE ANTILLIAN-INTERNATIONAL ADVERTISING, N.V.
is pleased to announce the expansion of our facilities
so that we can better serve our present and future
clients.
Our new address is HAVENSTRAAT 32
Our telephone number is 2158
We wish to thank all of our clients for making this
expansion necessary.
The Antillian-International Advertising, n.v. is now
the best equipped agency in all of the Antillies.
May we serve you?
JOHN R. BARNARD
Managing Director

Asaltonan na Venezuela

CARACAS, 17 oct. — Aiera di ferente asalto a worde comete riba edificioan di federacionan di trabao y partidonan politico cu ta apoya gobierno na Venezuela. E asaltonan a worde comete principalmente den e estacionan Monagas, Barinas y Falcon.

Na Carupano e edificio di e estacion local di radio a worde ataca cu anetralladura.

President Betancourt a ricibi den su palacio na Caracas e dos lideran di e oposicion cu no ta extremista, Levito Villalba di Union Republicana Democratica y Raul Ramos Jimenez, di accion democratica. E dos

delegadonan a pidi e president pa pone un fin na privilegianan cu partidonan di gobierno ta goza di dje den e campanja electoral.

Un candela, cu probablemente a worde causa pa un homi, a destrui casi un milyon envelop na billetin di votacion den e cuartel general di e servicio electoral na Venezuela.

E minister di interior, Mantilla, a bisa cu esaki ta un ultimo intento desespera di e hendenan, cu kier stroba e eleccionnan. Dia prome di december lo tin eleccion presidencial na Venezuela.

ELECCIONNAN NA SUR KOREA

SEOUL, 17 october. — General Park Tsoeng Hee a worde eligi como president di Sur Korea. El a gana cu un mayoria chiki di voto di ex-president Joen Bo Soen. General Park, kende tin 46 anja, ta hefe di e junta militar cu actualmente ta gobernando Sur Korea.

E DESGRACIA DEN MINA NA SUR AFRICA

JOHANNESBURG, 17 oct. — E explosion cu tabatin aiera den mina di oro banda di e ciudad Sur Africano Boksburg, a causa perdida di bida di shete minero, mientras cu ainda un homber ta perdi. Parse cu tin trinta herido. Asina directiva di e mina a participa.

REPUBLICA DOMINICANA TA RECHAZA IDEA MERICANO

SANTO DOMINGO, 17 oct. — E junta cu ta goberna actualmente na Republica Dominicana aiera a rechaza e proposicion Mericano pa duna dr. Juan Casanovas, ex-president di Senado, poder di e junta.

Ambos camara a worde disolve despues cu nan a tuma e regimen di ex-president Juan Bosch. Dr. Casanovas, despues na un reunion secreta di un asamblea nacional, a worde eligi como president provisional di e pais.

E ministro Mericano di exterior a rechaza un acusacion di esnan cu ta na poder na Republica Dominicana. Segun cual Merca ta intervi den asuntunan interno di Republica Dominicana.

ARMANAN NUCLEAR DEN ESPACIO

NEW YORK, 17 oct. — Merca y Union Sovietica aiera a jega na un acuerdo den Nacionnan Uni tocante e texto di un proyecto di resolucion pa tene armanan nuclear fuera di espacio. E dos paisnan ta obliga nan mes, pa no manda e clasen di arma ey den un orbita rond mundo. E asunto lo worde atende e siman aki cu preferencia den Asamblea General di Nacionnan Uni.

ELECCION DI BURGEMEESTER NA ALBANY

ALBANY Georgia, 17 oct. — Slater King, e prome homber di color cu a para pa candidato pa gobernador na Albany den e estado Mericano Georgia, no a logra. E abogado Blawie James Davis a gana cu 7220 voto. Slater King a hanta 2547 voto. E arquitecto blawie, Edward King a sera e fila cu 1879 voto.

DESMENTICION DI RUSIA

CIUDAD DE MEXICO, 17 oct. — E delegado Ruso, Semion Bazarov, a desmenti e noticia cu a sali publica den e corant Mericano, segun cual e astronauta Ruso, Gagarin, a bisa cu Rusia lo manda un homber luna otro anja.

Segun Bazarov, Gagarin a bisa cu Rusia y Merca tin dos ta traha na proyectonan pa manda un homber luna. El a agrega na esey cu ta dificil pa bisa ken lo ta promer, pero cu e ta spera cu esey lo ta Rusia.

ORGANISACION DI ESTADONAN AMERICANO A REUNI

WASHINGTON, 17 oct. — E consejo di e organizacion di estadonan Mericano a acepta pa tene un reunion urgente riba peticion di Republica Dominicana. No tabatin un indicacion directa pa e motibu di e peticion, pero segun circulacion hon informa Republica Dominicana kier duna un relato di teke e ta considera un situacion, cu ta trese principianan di e carta di e organizacion den peliger.

CRITICA RIBA KENNEDY

WASHINGTON, 17 oct. — E president di e comite nacional republicano, William Miller, aiera noch na un comida na ocasion di e 73 aniversario di ex-president Eisenhower, a critica e manera cu president Kennedy y su esposa ta organiza nan fiestan na Casa Blanca. Den dianan di e pareha Eisenhower dignidad tabata worde tene altu y tabatin respet pa e puestu mas altu den e pais, asina el a bisa.

Durante e gobierno di Eisenhower pueblo Mericano nunca tabatin nidi di tin miedo di reunionnan secreto, convenionan particular y relacionnan secreto cu Kremlin, asina Miller a bisa.

TITO TA TERMINA SU BISHITA NA MEXICO

CIUDAD, MEXICO, 17 oct. — President Tito di Jugoslavia, quende ta biah pa Merca, ta di acuerdo cu e president Mexicano, Adolfo Lopez Mateos, cu e actual relacionnan secreto, internacional ta favorable pa solucion di diferente problemnan mundial.

Den un comunicado comun nan a declara, cu e confianza mutua di e nacionnan lo worde sirbi, si Nacionnan Uni lo cuminsa studia medidanan adecuado pa yega na un acuerdo general di no intervencion. E dos presidentenan ta convenci, cu paz y cooperacion entre hendenan por haya un base solido solamente si tin respet pa independencia, autodeterminacion y no intervencion den asuntunan di otro paisnan.

President Lopes Mateos a bai Acapulco cu un avion, pa un ultimo entrevista cu president Tito y firmamento di e comunicado. Despues nan a topa na un comida y nan a presencia demostracionnan di zambulladornan famoso na Acapulco.

SITUACION NA KENIA

NAIROBI, 17 oct. — E miembronan di parlamento di e partido cu ta goberna actualmente na Kenia, e Union Nacional Africano, ta existi retiro inmediato di e trupan Ingles for di Kenia. Awor cu e problema constitucional no ta yega na un solucion.

Diamars e prome minister di Kenia cu ta na Nairobi a pidi e delegacion cu ta negoshando na London bou di direccion di premier Keniatta pa quibra e negociacion y regresa Nairobi pa diamingo proclama independencia.



YABI pa bo exito

Avisa den ARUBAANSE COURANT y compara e resultado



RADIO TRANSISTOR

den varios tamanjo y modelo na prijsnan for di f 8.— p'ariba.
Constantemente nos ta ricibi mercaderia nobo, para tira un bista na

PANAMA STORE

MUCHANAN A MURI DEN CANDELA

DUSSELDORF, 17 oct. — Un candela den un cas na Dusseldorf, Alemania West, a mata tres mucha chiqui diamars anochi. Segun oficialnan di bombero e mayornan a laga e muchanan, di ocho luna, tres y cuater anja, so na cas. E miembronan di bombero mester a quibra e porta pa nan por a drenta, despues cu bishanan a avisa nan di e candela.

NARCOTICO NA EGYPTO

CAIRO, 17 oct. — E corant Egypcio "Al Ahram" a anuncia, cu militar nan di Egipto y guarda costa despues di un lucha di casi diesdos ora a pone beslag riba algun ton di narcotico, cu cual tur record a worde quibra. E caravana, cu tabata transporta e contrabando, a crusa di e peninsula Sinai riba e Golfo di Suez y a worde descubri, ora e bapor cu cual nan a yega na e continente, a caba di bai. Despues tabatin un lucha fuerte, cu finalmente a termina na favor di e militar nan di Egipto. Dies contrabandista a worde cohe presu, mientras cu discauter a hui lagando tur loque nan tabatin atras.

LIBERTAD DI PRENSA NA ARGELIA

ARGELIA, 17 oct. — E instituto internacional di prensa a laga president Ben Bella sa, cu corresponsalnan estranhero mester por duna informacion di e sucesonan na Argelia sin intervencion oficial. Den un telegram en conexion cu expulsion recien di algun corresponsal for di Argelia e directiva diaria di e instituto internacional di prensa ta bisa, cu admision di informacion objetivo na Argelia ta deseable na interes di libertad di prensa y Argelia mes.

150 MILLON PA YUDANZA TECNICA DI N.U.

NEW YORK, 17 oct. — E secretario general di Nacionnan Uni, Oe Thant, a haci un yamamento riba e paisnan miembro pa contribui mas tanto posibel na e programanan di Nacionnan Uni pa yudanza tecnica. Oe Thant a bisa cu yudanza na paisnan di desarollo paumenta nan standard di bida ta e asunto mas urgente di e tempu aki.

E intencion ta pa yega na un suma total di 150 millon dollar pa e trabau den e anja venidero den cuadro di e programa extenso di Nacionnan Uni pa yudanza tecnica y e fondo especial.

ARGELIA TA STIPULA ZONA DI 12 MILLA

ARGEL, 17 oct. — Pa decreto e awanan territorial di Argelia a worde expande na 12 milla for di costa. Bapornan di guerra estranhero mester haya autorisacion prome di autoridadnan di Argelia pa nan por drenta den e zona ey. Solamente Argelionan tin mag di pisca den e awanan ey. Estranheronan mester di un vergunning especial.

DISMENTICION DI MERCA

WASHINGTON, 17 oct. — E ministerio Mericano di Exterior a desmenti e noticia di radio Argel, den cual a worde bisa, cu e Mericanonan a yuda transporta trupan di Marokko na e frontera entre Argelia y Marokko. Ambtenaarnan di e ministerio a bisa, cu siman pasa a drenta indicacionnan for di Marokko cu e pais aki lo quier yudanza di Merca pa transport di trupan pa finnan desconoci. Pero Merca a rechaza e peticionnan inoficial aki di parti di Marokko inmediatamente.

SYNTONISA BO EMISORA FAVORITO

VOZ DI ARUBA

y scucha

RUFO WEVER

na piano

Awor TUR DIAHUEBS ANOCHI di 8'or pa 8.30, na lugar di diabierno

TELEVISOR - SIERRA

insuperable pa su ventahanan tecnico!

* 1 ANJA DI GARANTIA
* ANTENNA GRATIS
Prijs razonable! Bishita

CASA ELECTRONICA

Bernhardstraat 99 — San Nicolas

EXPORT PRICES!

TELEVISION & APPLIANCES
REPLACEMENT PARTS

for Autos, Trucks & Machinery

Write for quotation

TREAGER BROTHERS

141 Seybold Bldg.
Miami, Florida

TA BUSCA CAS MUEBLA

pa huur, cu tres kamber (dormitorio)

Pa oferta yama

Sr. C. WETHERELL

Tel. 1410

BOXDO A MURI

BALTIMORE, 17 oct. — E peso completo Ernie Knox, a muri ayera na Baltimore a consecuencia di un afeccion celebral, cu el a haya den e pelea cu su compatriota Wayne Bethea. Bethea a manda Knox knock out den di nuebe round.

REINA JULIANA DR. HONORUS CAUSA

BANGKOK, 17 oct. — Den e aula mahestuoso di e Universidad Thammasat di Bangkok Reina Juliana a ricibi e titulo dr. honoris causa den ciencia politica. Flanke pa Prins Bernhard y Prinses Beatrix Reina Juliana tabata sinta riba e podio unda mucha muhernan bunita lo presenta bailanan di nan pais pa e compania Real.

Su mahestad Reina Juliana ta un gran monarca, asina e rector di e Universidad a bisa prome cu el a entrega La Reina e documentonan. Semper el a pone interes di su pais riba su propio interes. Riba tereno di relacionnan di exterior el a contribui hopi na mehoramentu di e comprendementonan, tambe gracias na su bishitanan na exterior.

Despues La Reina a gradici na Ingles pa e honor cu a toke.

AUMENTO DI PENSOEN DI BEHEZ

DEN HAAG, 17 oct. — Muy probable cu fecha prome di Januari di anja 1965 pensioen di behez na Hulanda, lo worde aumenta na e nivel di e minimo social. E minister di asuntonan social y salubridad publica, dr. Veldkamp, a participa esaki aje- ra tardi na tratamentu di e begroting di anja cu ta bini pa su departamentu den e reunion publica di comision. E minister, kende a bisa di kler warda riba e rapport cu e consejo social economico mester duna en relacion cu e asunto, a participa, cu aumen- o di e pensioen di behez por socode tanto legislativo como tecnicamente macha rapido.

for HEALTH FRESCAVENA

E refresco cu ta ALIMENTA

Agente pa produccionan di QUAKER

DE VEER & SONS INC.

Tel. 1326-5261

Bo cas ta bo orgullo ora cu bo usa verf marca PIETER SCHOEN.

Tambe nos ta huur equipo di construcion na prijsnan favorable.

Haci nos un bishita y lo bo sali satisfecito.

PETRONA & CROES

BOCA CHICA

la copa rica !!

E. F. DEBROT INC.

Nassaustraat 98 — Tel. 1039-1040

ALGUN NOTICIANAN CORTICU

— Ernesto Anthony di 85 anja, gone un fin na su bida den su cas na Williamsville (New York). Ernest a bishita gasolin riba su curpa y a pega mes na candela. Parce cu Ernest a falden su bida pasobra el a perde su bishita.

— Dos medico Frances a pone academia medico na Paris na altura e cantidad di casonan di syphilis cu biraando alarmante na Francia y nan pidi pa laga un comision investiga caso. Den e territorio di Paris tabata 5608 caso di e enfermedad constata loke ta tres blaha mas tanto cu cinco anja pasa.

— Un grupo di hobennan Danes traha un sinta di sonido di un ora partinan di ceremonia di pascu y o canticanan di pascu, di cual nan manda coplanan pa 35 bapor di elero compania pa yuda e tripulacionnan na un ambiente adecuado.

— E cantidad di Sueconan cu a pasa nan vacation na exterior a subi do ultimo cinco anjanan te na 700.000, un riba cada dies Sueco ta pasa na vacation afor.

— Di e mas o menos 50.000 muchanan di school na Stockholm entre di di y diessei anja casi tres mil ta traha den nan vacante. Mas o menos 1300 nan ainda no tin 14 anja di modan tin mester di un permiso especial pa traha pero mas o menos 90 porcie to di e cantidad ey no ta cumpli e stipulacion.

— Arqueologonan Sueco a haya restun di un boto Viking den un sector bleu di graf na Karlstad den Vaernland cu lo por ta di interes pa haya mas di historia di west Suecia.

MARTINI

TA SPONSOR

HIGHWAY PATROL

na TELEARUBA tur diasabra di 7.45—8.00 p.m.

WIMCO

ARUBA, Neth. Ant.

NOBO!

Awor bo no tin problema mas cu krulspeld. Laba bo cabei cu **WASH'N CURL** di **LANOLIN PLUS**

Y Bo cabei ta hanta un brillo cu golf natural.

CURACAO COMMERCIAL CO.

WILLEMSTAD, CURACAO

R.O.J. 263-Tel. 24054

LANOLIN Plus

WASH'N CURL

WAVING SHAMPOO

BEAUMEDICAL

COMMERCIAL COMPANY

ORANJESTAD, ARUBA

CISCO KID presenta pa cortesia di ARUBA BOTTLING COMPANY NESBITTS den varios sabor, e refrescan mas pidi y mas gusta na Aruba.

1. E shete di suerte.




EPITA pa cortesia di: Antillian Hardware Co

1. Pero, Lorenzo: maske mi no a bisa bo mihor. Ha ha ha. Esta un chiste, hefe.

2. Y despues e a bisa e amigo... lende... bo ta kere...

3. E telefon ta ring Lorenzo; despues lo mi termina.

4. Ta hai ser dificil, pa mi ripiti e comedia aki...



DICK TRACY

1. Porfin e bishitantenan di "stoolie" a hala e atencion di e wardado di zoo.
2. Wel e tabata par e e muchacha muher aki, pero mi no por hura sigur cu ta e mes.
3. Podise esaki lo juda mes di tende loke nan ta papia.
4. Hallo, "Raven", bo por tende mi? Homben en ta saludando, na unda bo ta?



1. Un cas di paloma alibi di e parke, cu no ta worde usa, a bira un lugar di observacion.
2. Mi a laga e muchanan corta un entrada na dje, tor di e dak, cu ta keda banda di e edificio aki.
3. Bo ta banja un bon bista di tur e bishitantenan. Y e verre kiker potente aki, bo por mira tur e caranan aki.
4. Raven, na unda bo ta? Ata e polisnan!



1. Mi a mira e mucha muher papia dos bez cu e Raven. Y tabatin un mucha gordo cu tabata jumela.
2. Hey, mira! E dos mucha hembenan ei ta duana e Raven pinda.
3. Mi ta prefera Steak-medium cu siboho.
4. Steak? Si, steak. El a bisa steak?



1. Despues cu nan a caba di papia ariba di e steak, mi a subi ariba y e muchanan no por a pone ningun hende kere cu e raven a papia.
2. Gad, nos ta supone di purba gara un bandido, pero mira loke nos ta haciendo.
3. Hey, aja bao! Kendenan ta? Mi no sa, pero kiko ta e diferencia?
4. Bo ta muchu gordo, Buster. Mi palabra! Bo a papia cu mi? Ami?



1. Esei ta e gobernador di lugar, y e ta cu un pasaport. Oh, rumant!
2. Mi ta un di bo simpadornan gobernador. Mi a ta dos viaha pa bo.
3. Mi a bisa bo, mayor, mi no tabata sa cu bo tabatin parba cu ta papia aki den. "Ab-uh-oh, si".
4. Mi a juda bo for di cu-minzamento. Abo tamen e prome criado di parba riba bo lista.
Oh, masha danki senior.



RIP KIRBY JAN BODEGOM & CO (Aruba) N.V.

TEL. 1284 - 1402

agente exclusivo di FRIESCHE VLAG lechi evap orado v lechi en polvo MAXWELL HOUSE KOFFIE

1. Manera mi a muestra bo senior Kirby, nos por haci pa nos no parse otro hopi.
2. Mi no mester di e bril.
3. Y cu ne, mi por mira, cu lo bo haci mi un favor, si bo join mi, na lugar di ta contra di mi.
Asina bo ta muestra hopi mehor!



BUCHI ROBEZ presenta pa cortesia di PIET'S SODA FOUNTAIN

tel. 2123

★ e mehor adres pa snacks, tur clase di dushi, softdrinks,



E boxdo Aleman Conny Rudhoff di peso mediano a bira campeon Europeo siman pasa door di gana di e Ingles Joe Erskine. Aki nos ta mira e campeon nobo Huntu cu su manager Kolblin y e burgemeester di e ciudad Russelsheim na Alemania.

KENDE LO BIRA SUCESOR DI MACMILLAN NA INGLATERA?

LONDEN, 17 oct. — Premier minister Harold MacMillan parece ta hungando un rol central den seleccion di su sucesor. E seleccion aki ta tumando lugar den su cuarto di hospital mediante un serie di conferencianan.

Mientras tanto prensa Ingles y publico ta inventa rumor kende lo ta e proximo sucesor di MacMillan.

E corant "Guardian of Manchester" ta bisa cu lo ta logico si esey ta minister di ciencia Lord Hailsham. Pero na mesun ora Dai y Sketch ta califica Hailsham como un "derrota andante".

Daily Express ta di opinion cu premier minister R. A. Butler, kende ta reemplazando MacMillan durante su enfermedad, ta mas popular y tin mas experiencia di e puesto cu Hailsham.

Daily Herald a bisa cu minister di relaciones exteriores Lord Home ta acumulando forza a cuenta di Butler.

MacMillan, kende ta recobrando di un operacion prostatico na King Edward VII hospital di Londres, a jera a topa cu tur e tres contendornan principal y tambe cu algun otro funcionario cu menos posibilidad.

Butler a bini hospital premier. Despues Hailsham, Home, Reginald Maudling, Lord Edward Heath y vice-president di partido conservador Iain McLeod a haci acto di presencia.

No tabatin ningun indicacion kiko e topico cu nan a combersa tabata, pero fuentenan cu generalmente ta bon informa ta bisa cu MacMillan, kende a derrota Butler na e puesto di premier minister na 1957, ta con-

tra su candidatura te ginda y ta prefera pa Hailsham hanja e puesto.

Tabatin indicacion di oposicion fuerte den gabinete y parlamento contra ambos homber, y mas bien un tendencia di apoyo pa Home.

Pero ta conoci cu Home no tin mucha gana di pone su mes disponible pa e puesto. Corantinan di oposicion tabata di opinion cu e indecision di e conservativonan ta un motibu pa pone un eleccion general.

Opinion publica ta indica cu Harold Wilson di partido Laboral lo derrota cualkier candidato conservativo bao di e actual circunstancianan.

"Dieci di bandona e puesto!" Daily Herald su titular principal tabata.

The Mirror a haci un peticion riba e conservativonan pa "enfrenta e eleccion mas pronto posible pa caba cu e periodo di un regimen dividi manera tin actualmente".

SISTEMA ELECTRONICA PA SEGURIDAD RIBA CAMINDA

STOCKHOLM, 17 oct. — E ministerio Sueco di trafico a cuminsa un investigacion tocante e posibilidad pa instala un sistema electronico pa avisa automobilistanan.

Cu e sistema aki e automobilistanan ta worde avisa via di un sonido of un luz den su auto pa lugar peligroso manera cabeznan di seru, camindanan pa trein cruzada of pa sneeuw of ijs. Riba caminda lo bini radio emisoranan di frecuencia abao di cual e sinjal por worde ricibi pa un radio di auto of un aparato especial y eventualmente por worde traspasa den un sinjal di luz.

BO HOROSCOPO PERSONAL

ARIES 21 Maart — 20 April

Luna nobo ta duana bon aspectonan pa jega na relacionnan mehor cu otro. Busca contacto mas tantu posibel.

TAURUS 21 April — 20 Mei

Luna nobo por e-herce un bon influencia riba bo estado di salud y bo interesnan diario. Otronan lo busca ayudo cerca bo.

GEMINI 21 Mei — 20 Juni

Luna nobo ta juda bo reforza e lasonan di carinjo cu muchanan y seranan stima. E dia ta favorable pa vence separacion.

CANCER 21 Juni — 22 Juli

Luna nobo ta un periodo favorable pa regla bo asuntunan na cas, haci'e mas comfortable y ricibi huespednan.

LEO 23 Juli — 22 Augustus

Luna nobo por e-herce un influencia alegre; bo tin mas influencia riba otornan. Awor ta tempu pa tumar decisionnan, no duda.

VIRGO 23 Augustus — 22 September

Luna nobo ta indica riba cambionan venidero, un mohoracion den bo situacion financiero. No haci compras prome cu bo ta sigur di por paga.

LIBRA 23 September — 22 Oktober

Luna nobo ta bira bo dilanti a-mer; acentonan ta cai riba amor, romance y otro asuntonan personal. Usa bo chensnan.

SCORPIO 23 Oktober — 22 November

Luna nobo ta trese desarollonan inespera, cu ta haci bo vence baricadanan. Bo por tumar pasonan pa amentia bo entrada.

SAGITARIUS 23 November — 21 December

Luna nobo ta trese circunstancianan nobo, especialmente den bo relacionnan cu otornan. Tin bon aspectonan pa bida social.

CAPRICORNUS 22 December — 19 Januari

Luna nobo ta trese un cambio favorable y ta priminti progreso riba tereno di trabao, mas prestigio den bida social.

ACUARIUS 20 Januari — 18 Februari

Luna nobo ta halar bo interes pa asuntonan venidero y aleha. Perspectivanan ta bon especialmente si bo por inclui un se-stima.

PISCES 19 Februari — 20 Maart

Luna nobo ta tumar un aspecto favorable y esey ta indica exito den bo intencionan pa recuperacion.

ACUERDO ENTRE MERCA Y E.E.G.

BRUSSEL, 17 oct. — Merca y seis paisnan di BEG a yega na un acuerdo awe pa finaliza e "guerra di gallina" tocante import di volaver Mericano di Deepvries den e comunidad. Asina un portavoz di e Mercado Comun a participa na Brusel.



Esaki ta e disenjo di e bukinan di mucha nobo cu pronto lo worde introduci na schoolnan di Aruba. E bukinan aki a worde scribi pa e escritora Hulandes Miep Diekman, especialmente pa e hubentud Arubiano di school.